



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hierakosophion

Demetrius <Pepagomenus>

Lvtetiae, 1612

vij. Ad difficultatem spirandi pituitosam.

urn:nbn:de:hbz:466:1-12846

Aliud.

Succus pomi Cydonij aut citrij cum melle veteri mistus præbeatur accipitri ex suilla carne lixa.

Ad difficultatem spirandi pituitosam.

DIFFICULTATE spirandi, quæ proficiscitur ex pituita cognoscetis accipitrem laborare, cum oscitatur & vomit: ita curabis. Liquidam picem mundam in treis globulos redactam ex melle dabis deuorandom, ad solemque ipsum ligatum habeto, usque dum mel euomuerit: deinde manu gestabis, columbino pullo elixo, aut mure Pontico pasces, idque per triduum facies.

Aliud.

Cynoxestam ex oleo aut vino bono contundito, præbeto ex ipso quotidie globulos quinque in medium carnem abditos. hoc facito per triduum. interea columbina carno ipsum alito, & sanabitur. Aut ipsi dabis offas treis primo die, secundo quinque, tertio septem, & per hoc triduum subrumi catuli cœci carnes elixas dabis, aut tragacanthæ vnciam, spicæ Indicæ semunciam, aut cynamomi vnciam, amomi semunciam, mellis despumati quantum

satis sit: vna commiscebis & subiges, ex carne dabis per triduum.

Ad difficultatem spirandi ex capite manantem.

Si difficultas spirandi ex capite profiscitur, ita cognosces. Accipitris oculi tument: ex pectore respirat. hoc remedio curabis, quod continet semen caprifici, mellis paulum, vinum vetus: misceantur, simul contundantur, naribus infundantur per triduum, deinde dabis edendum catulum subrumum.

Aliud.

Lac asinæ, oleum rosaceum, modo sit plus lactis quam olei rosacei, in ahenum nouum indito, calefacito, ac ex his tepentibus confectas offas treis quotidie dabis per triduum, & ad sanitatem perduces.

Ad difficultatem spirandi manantem ex interioribus partibus.

CVM videbis accipitrem frequenter respirare, osque hiscere, ita curabis. Arsenici scissilis scrupulos duos, aloë in formam iecinoris concretæ, myrrhæ, sandarachæ, pulueris absinthij æquales scrupulos, calcis vinæ drachmas treis. conterito calcem viuam, in cacabum nouum restin-

Q. iii.